



Patratg principal

La veta humana fa adina senn, era el sufrir, ed ella vul vegnir tractada en mintga situaziun cun respect ed atenziun.

Mintga capetel dalla veta ei d'impurtonza. Igl ei nossa nobla obligaziun da porschar a persunas attempadas la pusseivladad da mirar anavos ed anavon e da cumplenir naturalmein lur veta en dignitad.

La casa per seniors e da tgira Casa s. Martin duei esser ina dimora per seniors e persunas che basegnan tgira. Ella Casa s. Martin dueigien ellas saver sesentir bein ed anflar in niev dacasa.

Ils seniors han gronds merets e ton la societad sco era els sezs dueigien vegnir cunscients da quei.

Incarica

Tuttas cussadentas e tuts cussadents possedan il dretg da vegnir vegls en dignitad e cun lur agens giavischs. Nus s'inscuntrein cun els en respect e stema. Cun atenziun prendein nus enconuschientscha da lur cuors dalla veta e mantenin lur sfera privata ed autonomia.

Cun tgira ed assistenza tenor enconuschientschas actualas duei la qualitad da viver da nossas cussadentas e da nos cussadents vegnir salvada e promovida. Las cussadentas, ils cussadents ed ils responsabels dalla Casa s. Martin s'entaupan sco partenaris e respectan in l'auter.

Cun nossa planisaziun da tgira, d'economia da casa e d'alimentaziun garantin nus ina tgira individuala, sebasonta sin resursas, cumpletta ed intermediara. L'independenza e l'autonomia dallas cussadentas e dils cussadents vegnan promovi. La moda e maniera entras in stil da menar exact entras las persunas superiuras duei dar la segirtad necessaria allas collaboraturas ed als collaboraturs per ademplir lur lavur.

Nus dein alla tgira palliativa in'aulta valur e peisa. Accumpignar ils moribunds e lur confamigliars cun dignitad e premura ei per nus d'impurtonza substanziala.

In grond engaschament segna nossa lavur. Procurar per segirtad, cuntentientscha e quietezia ei d'interess central per nies team.

Confamigliars, enconuschents ed amitgs

Confamigliars, enconuschents ed amitgs da nossas cussadentas e da nos cussadents ein adina beinvegna. Nus luvrein bugen ensemen cun els, sche las cussadentas ed ils cussadents lubeschan ei e nua che quei ei era el senn dalla Casa s. Martin.

Collaboraturas e collaboraturs

Ella regiun ei la Casa s. Martin in patrun fideivel ed impurtont. Nossas collaboraturas e nos collaboraturs retscheivan ina paga gesta e honesta, tenor l'usanza regiunala.

Nus stimein fetg nossas collaboraturas e nos collaboraturs per quei ch'els contribueschan considerablamein al success da nies menaschi. La cuntentientscha e motivaziun alla lavur vegn promovida principalmein entras ina gronda e clara libertad d'agir, denton era cun in menar transparent. Las collaboraturas ed ils collaboraturs da tut ils scalems e secturs frequentan reguladamein cuors da scolaziun interns ed externs.

Collaboraziun/cultura

Furniturs ed interpresas indigenas vegnan, aschilunsch sco pusseivel, preferi.

La Casa s. Martin ei in menaschi aviart ed integraus ella regiun. Instituziuns culturalas e socialas, sco era tuts ils auters ein adina cordialmein beinvegna en nossa casa.